

ՀԱՅՈՑ ԱԶԳԱԳՐՈՒԹԵԱՆ ԹԱՆԳԱՐԱՆԻ ՔԱՐՏԷՂՆԵՐԻ ՀԱՒԱՔԱԾՈՒՆ¹

ԱՐՏԱԿ ԱՍԱՏՐԵԱՆ (sardarapatasatryan@gmail.com)

ՄՈՒՏՔ

Հայոց ազգագրության թանգարանի (ՀԱԹ) հաաքածուն հարուստ է ու բազմաբովանդակ: 1978ին հիմնադրուած թանգարանի հաաքածուն շատ արագ հարստացաւ՝ շնորհիւ դաշտային ազգագրական արշաւների, գնումների, հաաքչական աշխատանքների ու նուիրատուութիւնների:

ՀԱԹի հաաքածուին առանձին արժէք են տալիս նուիրատուութիւնները, որոնք յաճախ մէկ կամ միքանի նմուշներ չեն, այլ՝ նուիրատուների կողմից տարիների ընթացքում ստեղծած հաաքածուներ, որոնց նիւթերը - հաաքածուի միա նմուշների հետ - կազմում են թեմատիկ մէկ ամբողջութիւն: Յատկապէս արժէքաւոր են Ժիրայր Գաբրիէլեանի², Փ. Չիֆթալարեանի³, Երանուհի Հայտութեանի⁴, Յակոբ Մոմճեանի⁵ եւ այլոց նուիրատուութիւնները: Այս շարքում անգնահատելի տեղ ունի «Թանգարանի բարեկամ» կոչման արժանացած Յակոբ Ճելալեանը, որի նուիրատուութիւնների հաաքածուն բաղկացած է պղնձագործական եւ արծաթագործական առարկաներից, զարդերից, զէնքերից, Կուտինայի յախճապակուց⁶:

2007ին Ճելալեանը ՀԱԹին նուիրաբերեց 130 փորագրանկար՝ մեծասամբ օտար վարպետների գործեր, որոնցում արտացոլուած են Հայաստանի հետ պատմական տարբեր ժամանակներում տեղի ունեցած իրադարձութիւններ ու դէպքեր: Հաաքածուն ներառում է տպագիր մամուլ, գրքերի էջեր, քարտէզներ, որոնք տպագրուած են ԺԶ.-ԺԹ. դարերում, Հայաստանից դուրս, եւ պատմաքաղաքական տեղեկատուութեան աղբիւր են հանդիսանում Հայաստանի մասին⁷:

¹ Յօդուածը նուիրուած է Յակոբ Զելալեանի պայծառ յիշատակին:

² Տե՛ս՝ ՀԱԹ, ԱԿ-3 ֆոնդ, համար 8225/1-17 պղնձէ ափսէների հաաքածուն:

³ Գ. Աղանեան, «Հայկական զինագործութիւնը XIX դարում-XX դարի սկզբին (ըստ Կարնոյ եւ Ախալցխայի նիւթերի)», *Գիտական աշխարհութիւններ*, III:2000, էջ 129-36:

⁴ ՀԱԹ, համար 7010/1-334 հաաքածու:

⁵ Ա. Ասատրեան, «Յակոբ Մոմճեանի նուիրատուութիւնների հաաքածուն», *Թանգարանի հանդէս*, 2011, էջ 144-152:

⁶ Տե՛ս՝ Ա. Պօղոսեան, Ա. Պապիկեան, Ա. Ասատրեան, Զ. Ծատուրեան, Ա. Ճելալեան, *Յակոբ Ճելալեանի նուիրատուութիւնների կադալոգ*, Տիգրան Մեծ, Իրատ. Երեւան 2008:

⁷ Հաաքածուն ներառում է նաեւ հայկական տարագի նմուշներ պատկերող նկարներ (Ա. Պօղոսեան, «Կովկասեան տարագով կերպարներ եւրոպական փորագրանկարներում», *Աանդականը եւ արդիականը հայոց մշակոյթում XVI (Դերենիկ Վարդումեանի ծննդեան 90-ամեակին նուիրուած գիտաժողովի նիւթերի ժողովածու)*, ՀՀ ԳԱԱ Գիտութիւն Իրատ., Երեւան, 2014, էջ 111-21:

Յատկապես մեծ արժեք ունեն հաաքածուի 27 քարտեզները, որոնք տպագրուած են ԺԷ.-ԺԹ. դարերում, Երոպայում (Ֆրանսա, Անգլիա, Հոլանտա) եւ հանդիսանում են ժամանակի հեղինակաւոր տպագրական ընկերութիւնների ու լաւագոյն քարտեզագիր-հեղինակների գործունէութեան արդիւնք: Դրանք վերատպութիւններ են աւելի հին շրջանի քարտեզներից եւ ունեն աղբիւրագիտական ու պատմական մեծ արժեք՝ թէ՛ որպէս թանգարանային հաաքածու եւ թէ՛ պատմաքաղաքական վաւերագրեր⁸:

ՆԵՐԱԾՈՒԹԻՒՆ

Քարտեզ եզրն իյայտ է եկել միջնադարում՝ Վերածննդի դարաշրջանում: Մինչայդ գործածուած էին *tabula*, *descriptionis* բառերը: Եզրը ծագում է լատիներէն *charta* (թերթ, թուղթ) բառից, որն իր հերթին առաջ է եկել յունարէն *χαρτης* (խարտէս) բառից: Այժմ այս բառն օգտագործուած է աշխարհի մի շարք լեզուներում: Ոչ-պակաս տարածուած է նաեւ լատիներէն *mappa* բառից ծագող եզրը, որը նշանակում է կտաւի կտոր: Միջանի լեզուներում գործածուած են երկու եզրերն էլ, երբեմն՝ տարբեր նրբմաստնեղով, օրինակ՝ անգլերէնում *chart* եզրով նշում են ծովային եւ օդագնացագիտական քարտեզները, սպաներէնում *carta* եզրով նշում են ծովային եւ աստղագիտական քարտեզները: Գոյութիւն ունեն նաեւ քարտեզ բառի տիպիկ ազգային անուանումներ. ճափներէն՝ *tizu*, հունգարերէն՝ *terkep* լիտվերէն՝ *zemelapis* են.⁹:

Միջնադարեան Հայաստանում քարտեզ (քարտէս) բառին զուգահեռ գործածուած էին նաեւ աշխարհացոյց, աշխարհագիր, երկրագրութիւն, բառերը: Աշխարհացոյց բառը գործածութեան մէջ է եղել մինչեւ ԺԷ.-ԺԸ. դարերը: Օրինակ՝ 1695ին Ամսթերտամում հրատարակուած քարտեզը կոչուած է «Համատարած աշխարհացոյց»¹⁰, 1778ին Վենետիկում Շահամիր Շահամիրեանի պատուէրով տպագրուած Հայաստանի քարտեզը՝ «Աշխարհացոյց Հայաստանեայց»¹¹:

⁸ Քարտեզները գրանցուած են թանգարանի «Փ» (Փաստաթուղթ) ֆոնդում՝ 8332 համարի տակ եւ թանգարանի քարտեզների միակ հաաքածուն են, ինչն առաւել արժէքաւոր եւ նպատակային է դարձնում դրանց ուսումնասիրութիւնն ու գիտականօրէն շրջանառուելը: Թանգարանի «Փ» ֆոնդում են պահուած նաեւ համար 299՝ յունարէնով տպագրուած «Փոքր Ասիա-Միջագետք» քարտեզը եւ համար 300 երկրագունդը, որոնք համար 8332 հաաքածուի մաս չեն կազմում, ուստի այս աշխատանքում դրանց չենք անդրադարձել:

⁹ А. Берлянт, *Картография* (Քարտեզագրութիւն), Ասպէկտ պրէսս, Մոսկուա, 2002, էջ 5:

¹⁰ Ս. Տ. Երեմեան, *Հայաստանը ըստ «Աշխարհացոյց»ի*, Հայկական ՍՍՌ ԳԱ հրատ., Երեւան, 1963, էջ 17:

¹¹ Ծ. Գրիգորեան, «Շահամիր Շահամիրեանի "Աշխարհացոյց Հայաստանեայց"-ը», *Բանբեր Մարենադարանի*, 6:1962, էջ 354:

Քարտեզն աշխարհագրական, ինչպես նաեւ պատմական ու ժամանակագրական տեղեկութեան պահպանման ու փոխանցման արդիւնաւէտ միջոց է: Այն թոյլ է տալիս տարածքի ամբողջական դիտարկում եւ վերլուծութիւն՝ տեղանքի ոչ-մեծ հատուածից մինչեւ երկրագնդի մակերեսային ամբողջութեամբ, արտացոլում պատմաաշխարհագրական տարբեր իրողութիւնները, դրանց յաջորդականութիւնն ու փոխկապակցուածութիւնը¹²:

Քարտեզի եւ քարտեզագրութեան պատմութիւնն անխզելիօրէն կապուած է մարդկային հասարակութեան զարգացման պատմութեան հետ: Ծնունդ առնելով մարդկութեան քաղաքակրթութեան արշալոյսին, գրերի իյայտ գալուց դեռ շատ առաջ, քարտեզագրական պատկերները նախապէս ծառայում էին որպէս սնունդ հայթայթելու եւ որսատեղիների մասին տեղեկութիւն հաղորդելու միջոց: Այս պատկերներն արտւում էին ամենատարբեր նիւթերի՝ քարերի (ժայռերի), քարանձաւների պատերի, ոսկրէ թիթեղների, կաւէ սալիկների, մագաղաթի, թղթի վրայ եւն.¹³:

ԱՇԽԱՏԱՆՔԻ ՄԵԹՈԴԱԲԱՆՈՒԹԻՒՆԸ

Մեր խնդրից դուրս է տալ ՀԱԹԻ քարտեզների գիտական դասակարգումն ու տիպաբանումը¹⁴: Սոյն աշխատանքում քարտեզները խմբաորել ենք հիմք ընդունելով դրանց առնչուածութիւնը Հայաստանին ու հայ ժողովրդի պատմութեանը: Հետեւաբար, քարտեզները խմբաորել ենք հետեւեալ սկզբունքներով՝ ա) Մեծ Հայքը եւ յարակից տարածքները, բ) Փոքր Ասիան եւ յարակից տարածքները, գ) ԺԹ. դ. ռազմաքաղաքական իրադարձութիւններ պատկերող, եւ դ) աստուածաշնչեան քարտեզներ: Նման խմբաորման նպատակն է գիտական հանրութեանը հասանելի դարձնել ՀԱԹԻ քարտեզների հաւաքածուն, մասնագիտական գրականութեան հետ համեմատական վերլուծութեամբ լուսաբանել հաւաքածուի առնչութիւնը Հայաստանին ու հայ ժողովրդի պատմութեանը¹⁵:

¹² Р. А. Жmoidяк, Л. В. Атоян, *Картография* (Քարտեզագրութիւն, դասախօսութիւններ), Միւսկ, 2006, էջ 20-21:

¹³ Жmoidяк, Атоян, էջ 8:

¹⁴ Քարտեզների գիտական դասակարգման վերաբերեալ տե՛ս՝ К. Салищев, *Картография* (Քարտեզագրութիւն), Մոսկուա, «Բարձրագոյն դպրոց» հրատ., 1982, էջ 5-10. նաեւ՝ А. Берлянт, *Картография* (Քարտեզագրութիւն), Ասպէկտ պրէսս, Մոսկուա, 2002, էջ 5-20. նաեւ՝ Жmoidяк-Атоян, էջ 1-7. նաեւ՝ Ռ. Գալչեան, *Հայաստանը համաշխարհային քարտեզագրութեան մէջ*, Փինթինֆո հրատ., Երեւան, 2005, էջ 16-29, 64. նոյնի՝ վերահրատարակութիւնը՝ Երեւան, Փրինթինֆո հրատ., Երեւան, 2015, էջ 19-29. նաեւ՝ R. Galichian, "A Brief History of the Maps of Armenia," *Բանբեր հայագիտութեան*, 1:2013, էջ 83-106:

¹⁵ Այս աշխատանքում անդրադարձ չենք կատարել միայն հաւաքածուի համար 130 յունալեզու «Կրետէ կղզին» քարտեզին, քանի, որ վերջինս իր ընդգրկման տա-

ՄԵԾ ՀԱՅՔԸ ԵՒ ՅԱՐԱԿԻՑ ՏԱՐԱԾՔՆԵՐԸ ՊԱՏԿԵՐՈՂ ՔԱՐՏԷԶՆԵՐ

Ք.ա. Զ. դարի բաբելոնեան կալէ սալիկը մեզ հասած աշխարհի հնագոյն քարտէզն է, որտեղ աշխարհը պատկերուած է շրջանաձեւ՝ շրջապատուած «դառը» ջրերով, որոնց մէջ կան եօթ կղզիներ: Այս քարտէզում աշխարհի կենտրոնը Բաբելոնն է, որի մօտ նշուած են Ասորեստանն ու Հայաստանը¹⁶:

Հերոդոտոսը (484-425 Ք.ա.) իր *Պատմութեան* մէջ նշում է, թէ միլեթացի Արիստագորասը Սպարտայում Կլեոմենէսին ցուցադրել է «*պղնձէ մի տախտակ (քարտէզ - Ա.Ա.), որի վրայ փորագրուած էր երկրի ուրուագիծը, ամբողջ ծովն ու բոլոր գետերը: Լիւդիացիներից դէպի արեւելք, - պատմում է Արիստագորասը, - բնակում են փոիւզները... նրանց յաջորդում են կապադովկիացիները... սրանց սահմանակից են կիլիկեցիները, որոնք տարածուած են մինչեւ այն ծովը, որտեղ գտնւում է Կիպրոս կղզին: ... Այստեղ կիլիկեցիներին յաջորդում են արմէնները...*»¹⁷:

Հայաստանի աշխարհագրական նկարագրութիւնն ընդհանուր առմամբ պահպանուել է Հերոդոտոսի *Պատմութեան* մէջ¹⁸: Առաւել ամբողջական նկարագրութիւններ տուել են յոյն աշխարհագէտ ամասիացի Ստրաբոնը¹⁹ (65-25), հռոմէացի հեղինակ Պլինիոս Աւագը²⁰ (23-97), եւ մասնաւորապէս յոյն աշխարհագէտ Կլաւդիոս Պտղոմէոսը (90-167) իր *Աշխարհագրութիւն* աշխատութեան մէջ: Շատ կարեւոր է Պտղոմէոսի այն տեղեկութիւնը, թէ Կուր գետը հանդիսանում է Մեծ Հայքի հիւսիսային սահմանը²¹:

րածքներով եւ աշխարհագրութեամբ չի առնչւում Հայաստանին ու նրա հետ կապուած պատմա- կամ ռազմա-քաղաքական իրադարձութիւններին:

¹⁶ Գալլեան, *Հայաստանը համաշխարհային*, էջ 16, 64. նաեւ նոյնի՝ վերահրատարակութիւնը, էջ 19, 66. նաեւ՝ Galichian, էջ 83:

¹⁷ Հերոդոտոս, *Պատմութիւն ինը գրքից*, թարգմ.՝ Ս. Կրկեաշարեան, Հայկական ՍՍՀ ԳԱ հրատ., Երեւան, 1986, էջ 305:

¹⁸ Հերոդոտոս, էջ 79-80, 197, 305, 306-07, 568-78:

¹⁹ *Օտար աղբիւրները Հայաստանի եւ հայերի մասին*, N 1 Ստրաբոն, քաղեց եւ թարգ. Հ. Աճառեան, Պետական համալսարանի հրատ., Երեւան, 1940. նաեւ՝ Պ. Յովհաննիսեան, Ա. Մովսիսեան, *Հայ ժողովրդի պատմութեան քրեստոմատիա, հատոր 1 (Հնագոյն ժամանակներից մինչեւ Ք.յ. 298 թ.)*, Երեւանի համալսարանի հրատ., Երեւան, 2007, էջ 279-86:

²⁰ *Հայ ժողովրդի պատմութիւն, հատոր 1*, Հայկական ՍՍՀ ԳԱ հրատ., Երեւան, 1971, էջ 836-38. նաեւ՝ *Հայ ժողովրդի պատմութեան քրեստոմատիա, հատոր 1*, էջ 287-91:

²¹ Երեմեան, էջ 69. նաեւ՝ *Հայ ժողովրդի պատմութիւն, հատոր 1*, էջ 839. նաեւ՝ *Հայաստանի ազգային պոլլաս, հատոր Բ*, Գեղեզիայի եւ քարտէզագրութեան կենտրոն» ՊՈԱԿ, Երեւան, 2008, էջ 7. նաեւ՝ Պ. Յովհաննիսեան, Ա. Մովսիսեան, *Հայ ժողովրդի պատմութեան քրեստոմատիա, հատոր 2, (III դարի վերջերից մինչեւ IX դարի կէսերը)*, ԵՊՀ հրատ., Երեւան, 2011, էջ 9-14. նաեւ՝ Մ. Մալ-

Ըստ Պտղոմէոսի (Գիրք 5, գլուխ 13, § 1)²¹ Մեծ Հայքի սահմանը հիւսիսից կազմում է Կողքիսի մի մասը, ապա Վիրքը եւ Աղուանքը՝ Կուր գետով: Արեւմուտքից սահմանագիծն անցնում է Եփրատ գետով, որը բաժանում էր Մեծ Հայքը Կապադովկիայից (այսինքն՝ վերջինիս կազմի մէջ մտնող Փոքր Հայքից), ապա Եփրատից հիւսիս-արեւելք ձգուող Մոսխական լեռներով, մինչեւ Կողքիս: Արեւելքից Մեծ Հայքի սահմանն է Վրկանից (Կասպից) ծովի մասը՝ Կուր գետի գետաբերանից մինչեւ 79° 45' Բ-43° 20' Բ վրայ գտնուող կէտը: Այնուհետեւ սահմանն անցնում էր յիշեալ կէտից դէպի արեւմուտք Կասպից լեռներով, որոնք բաժանում են Մեծ Հայքը Մեդիայից: Հարաւից Մեծ Հայքը սահմանակից է Միջագետքին, սկսած Եփրատ գետից, Տաւրոս լեռներով եւ Տիգրիս գետով: Ապա սահմանագիծն անցնում է Նիփատէս (Նպատ), բաժանելով Մեծ Հայքը հարաւում գտնուող Ասորեստանից, մինչեւ Կասպից լեռները²²:

Վերը նկարագրուած աշխարհագրական ընդգրկումն ունեն հաւաքածուի համար 105, 111, 112, 117, 120, 126 եւ 127 քարտէզները²³: Բոլոր եօթ քարտէզներում Մեծ Հայքի հիւսիսում (արեւմուտքից արեւելք) նշուած են Կողքիսը, Իբերիան եւ Աղուանքը, հարաւում՝ Միջագետքն ու Ասորեստանը, արեւելքում՝ Կասպից ծովը, Մեդիան, արեւմուտքում՝ Պոնտոսը եւ Կապադովկիան:

Համար 111 (Armenia, Colchis, Iberia, Albania & c.) քարտէզն իր աշխարհագրական ընդգրկմամբ եւ վարչական բաժանմամբ հիմնականում համապատասխանում է Պտղոմէոսի «Ասիայի III աղիւսակ» (Asiae tabula tertia) քարտէզին²⁴: Քարտէզի կենտրոնում Մեծ Հայքն է, որին հիւսիսից սահմանակից են Կողքիսը, Իբերիան, Աղուանքը, հարաւից՝ Միջագետքը. արեւմուտքից Մեծ Հայքի սահմանները հասնում են մինչեւ Եփրատ գետը: Սրա հետ մէկտեղ քարտէզում կան անճշտութիւններ. Արեւելքում Մեծ Հայ-

խասեան, «Մեծ Հայքի Թագաւորութեան սահմաններն ըստ Կլաւդիոս Պտղոմէոսի "Աշխարհագրութիւն" երկի», *Հայաստանի Հանրապետութեան եւ մերձաւոր արտասահմանի երկրների տնտեսութեան զարգացման եւ տեղաբաշխման ժամանակակից հիմնախնդիրները (գիտական յօդուածների ժողովածու)*, Երեւանի պետական համալսարան, Երեւան, 2017, էջ 39:

²² Տե՛ս՝ ծանօթ. 21:

²³ Քարտէզների հաւաքածուն գրանցուած է 8332 համարի ներքոյ՝ 104-130 հերթական համարներով՝ 8332/104, 8332/105, եւն.: Այստեղ եւ յետագայում նշել ենք միայն քարտէզների համարները:

²⁴ Հաւաքածուն չի ներառում քարտէզներ (կամ դրանց վերատպութիւններ) Պտղոմէոսի *Ասիայի III քարտէզից*: Հմմտ.՝ Գալսեան, էջ 92-93, 118-19, 130-31, 166-69, 174-75, 184. Նաեւ նոյնի վերահրատարակութիւնը՝ էջ 96-97, 118-19, 132-33, 164, 166-67, 169. Նաեւ՝ Կ. Մութաֆեան, Է. Վ. Լուկ, *Հայաստանի պատմական աշխարհագր. Մերձաւոր Արեւելքը եւ Կովկասը մ.թ.ա. VII դարից մինչեւ XXI դար*, Տիգրան Մեծ հրատ., Երեւան, 2017, էջ 94-95:

քի սահմանները չեն հասնում մինչեւ Վրկանայ (Կասպից) ծով, այլ սահմանափակուած են Կուրի ու Արաքսի միջագետքում, հիւսիսային սահմանը գծուած է զգալիօրէն դէպի հարաւ՝ յօգուտ Իբերիայի, Կուր գետը գրեթէ ամբողջութեամբ հոսում է Իբերիայի տարածքով, իսկ վերջինիս հարաւային սահմանն անցնում է գրեթէ անմիջապէս Սեւանայ լճի հիւսիսով (նկար 1):

Համար 112 (Colchis, Iberia, Albania, Armenia, Mesopotamia, Assyria, et Babylonia), 117 (Armenia, Mesopotamia, Babylonia, Assyria), 120 (Armenia, Mesopotamia, Assyria et Babylonia), 126 եւ 127 քարտէզների համար դարձեալ որպէս սկզբնաղբիւր են ծառայել Պտղոմէոսի քարտէզները կամ դրանց վերատպութիւնները. քարտէզների աշխարհագրական բաժանումը եւ տեղանունները տրուած են ըստ Պտղոմէոսի²⁵: Այս քարտէզների ընդգրկման սահմանները հարաւում հասնում են մինչեւ Պարսից ծոց:

Այս խմբում ուշադրութեան են արժանի մասնատրապէս համար 126 եւ 127 քարտէզները:

Համար 126 (Byzantinisches Reich, östliches blatt՝ Բիզանդական Կայսրութիւն, արեւելեան թուղթ) քարտէզը ԺԹ. դարի գերմանացի աշխարհագէտ ու պատմաբան Կարլ Ֆոն Սպրունների (1803-92) «Պատմական ատլաս»-ից է (K. v. Sprunner, *Histor. Atlas*) կամ դրա վերատպութիւնն է: Ի տարբերութիւն հաւաքածուի միւս քարտէզների, որտեղ Հայաստանը նշուած է Մեծ Հայք (Armenia Maior) կամ ուղղակի Հայաստան (Armenia) անուններով, այս քարտէզում Մեծ Հայքը բաժանուած է արեւելեան եւ արեւմտեան հատուածների: Արեւմտեան հատուածը նշուած է Armenia, արեւելեանը՝ Haiastan անունով: Տեղանունների մի մասը նոյնպէս տրուած է լատիներէն եւ լատինատառ տեղական անուանումներով, օրինակ՝ Gogarene-Gugarkh (Գոգարենէ-Գուգարք), Otene-Uti (Օտենէ-Ուտի(ք)), Phaitakaran (Փայտակարան), Vaspurakan, Turuberan, իսկ Արաքս գետը նշուած է Araxe, Eraskh եւ Rakhsi անուններով²⁶ (նկար 2):

Համար 127 (Albania, Iberia, Colchis, Armenia, Mesopotamia, Babylonia, Assyria) քարտէզը դարձեալ Սպրունների հրատարակած ատլասից է (*Atlas Antiquus* N XXVII)²⁷: Այս քարտէզում Մեծ Հայքն ու Փոքր Հայքը նշուած են լատիներէն՝ Armenia Maior եւ Armenia Minor: Միաժամանակ մանրամասն նշուած են Մեծ Հայքի տեղանունները՝ լատիներէն եւ լատինատառ տեղական անուանումներով, օրինակ՝ Basoropeda-Vaspuracan, Otene-Uti, Sakasene-Artsakh, Caspiane-Phaitakaran, Siracene-Schirak, Cotacene-Kotaiakh եւն.: Կարելոր է նշել, որ քարտէզում Գուգարքը նշուած է Մեծ Հայքի կազ-

²⁵ Տե՛ս՝ ծանօթ. 24:

²⁶ Տե՛ս՝ Գալչեան, էջ 242-43. նաեւ նոյնի վերահրատարակութիւնը՝ էջ 240-41:

²⁷ Տե՛ս՝ ծանօթ. 26:

մում եւ Կուր գետը հանդիսանում է Մեծ Հայքի հիւսիսային սահմանը²⁸ (նկար 3):

Համար 105 քարտեզը (Armenia Vetvs In Quatuor Partes ad Tempora Ivstiniani Imp) (Հայաստանը՝ բաժանուած չորս մասի՝ Յուստինիանոսի օրօք) պատկերում է Հայաստանի (Մեծ եւ Փոքր Հայքեր) վարչական բաժանումը՝ Յուստինիանոս Ա. կայսեր (483-565) ժամանակաշրջանում (հեղինակ՝ Ֆիլիպ դէ լա Ռու, 1653ին)²⁹: Քարտեզում պատկերուած են Մեծ Հայքը (Armenia Maior), Ա., Բ. եւ Գ. Հայքերը (Armenia Prima, Armenia Secvnda, Armenia Tertia): Դ. Հայքը, որը պատմական Ծոփքն է³⁰, քարտեզում նշուած չէ, սակայն նշուած են Անձիտ (քարտեզում Anzetene, Antizena, Anaeita) եւ Բալաիոսիտ (քարտեզում Balabithena)³¹ գաւառները³² (նկար 4):

Բաժինն աւարտելուց առաջ նպատակայարմար է անդրադառնալ եւս երկու քարտեզի: Համար 104 քարտեզը (Tabvla Asia V) վերատպութիւն (կրկնօրինակ) է Պտղոմէոսի *Աշխարհագրութիւն* աշխատութիւնից, ընդգրկում է Ասորեստանը, Մեդիան, Պարթեաստանը (Parthia), Պարսկաստանը (Persia), Հիւրկանիան (Hyrcania) եւ Կարմանիան, իսկ արեւմուտքում (հիւսիսից հարաւ), որպէս յարակից տարածքներ (երկրներ) նշուած են Հայաստանը, Միջագետքը եւ Անապատային Արաբիան քարտեզի վերեւի երկու անկիւններում կան լատինատառ գրութիւններ՝ Della Geografia gi Tolomeo եւ Libro sefto (նկար 5):

Առանձնայատուկ ուշադրութեան է արժանի քարտեզի հակառակ երեսը, որտեղ կայ լատինատառ գրութիւն՝ երկու սիւնակով: Ա. սիւնակի վերետում գրուած է Della Geografia gi Tolomeo, վերնագիրն է՝ “Il Sito Dell’Arabia”, եկրորդինը համապատասխանաբար՝ “Libro sefto Tavola Qvinta D’Asia Antica”: Բ. սիւնակի գրութիւնն ունի համարակալում՝ 136, Ա. սիւնակի համարակալումը ջնջուած է: Այս ամէնը թոյլ է տալիս ասելու, որ քարտեզը էջ է (վերահրատարակութիւն) Պտղոմէոսի *Աշխարհագրութիւն*ից:

Նոյն վարչական բաժանումն ունի համար 113 քարտեզը (Regiones intra Mare Hyrcanum, Oxum Fl. Indicum Pelagus et Sin. Persicum Sit) (Վրկանայ -

²⁸ Տե՛ս՝ ծանօթ. 21:

²⁹ Համեմատութեան համար տե՛ս՝ Գալշեան, էջ 168, 171. նաեւ նոյնի վեահրատարակութիւնը՝ էջ 169. նաեւ Մոյթաֆեան-Լոյ, էջ, 40-41, 120-21:

³⁰ Երեմեան, էջ 106. նաեւ՝ Բ. Յարութիւնեան, *Մեծ Հայքի վարչա-քաղաքական բաժանման համակարգն ըստ «Աշխարհացոյց»-ի, մաս Ա, Արեւմտեան եւ հարաւային աշխարհներ*, Երեւանի համալսարանի հրատ., Երեւան, 2001, էջ 114-45. նաեւ՝ *Հայ ժողովրդի պատմութեան քրեւոյնմարտիկա, հատոր 2*, էջ 15:

³¹ Երեմեան, էջ 107:

³² Տեղանունների եւ դրանց տարընթերցումների մասին առաւել մանրամասն տե՛ս՝ Յարութիւնեան, 2001, էջ 117:

Կասպից - ծովի, Օքսում (Ամուդարիա) գետի, Հնդկական ծովի եւ Պարսից ծոցի միջեւ գտնուող տարածքները) եւ տեղանուններն էլ տրուած են ըստ Պտղոմէոսի, սակայն կազմուած է ԺԹ. դարի քարտեզագրական չափանիշերին համապատասխան (նկար 6):

ՓՈՔՐ ԱՍԻԱՆ ԵՒ ՅԱՐԱԿԻՑ ՏԱՐԱԾՔՆԵՐԸ ՊԱՏԿԵՐՈՂ ՔԱՐՏԷԶՆԵՐ

Փոքր Ասիան (Asia Minor) եւ յարակից տարածքները, այդ թւում նաեւ Հայաստանը (պատմական Մեծ կամ Փոքր Հայքերը) պատկերող քարտեզներից (համար 106, 107, 116, 118, 119, 121 եւ 122) երկուսում (համար 119 եւ 121) պատկերուած է Կիւրոսի արշաւանքի³³, ինչպէս նաեւ Կունաքսայի ճակատամարտից յետոյ Հայաստանի վրայով նահանջի ճանապարհը բռնած տասը հազար վարձկան յոյների նահանջի երթուղին: Երկու քարտեզներում էլ նշուած են Սարդէսը, Կունաքսան, Կենտրիտիս գետը (Արեւելեան Տիգրիս, այժմ Բոհտան սու)³⁴, որն անցնելուց յետոյ յոյն վարձկանները մտան Հայաստան եւ Տրապիզոն, որտեղից ծովով հասան Պերգամոն քաղաք:

Համար 121ում (Cyri Expeditio) (Կիւրոսի արշաւանքը), ի տարբերութիւն համար 119ի (Tableau de la Retraite des Dix Mille), նշուած չէ Կիւրոսին Միջերկրական ծովով օգնութեան շտապող զօրքերի ճանապարհը, իսկ համար 119ում նշուած է միայն Եփեսոսից (Փոքր Ասիա) օգնութեան եկող զօրքի երթուղին³⁵:

Համար 107 քարտեզի (Patriarchatus Constantinopolitani) (Կոստանդնուպոլսի պատրիարքութիւն) հեղինակն է ֆրանսացի քարտեզագէտ, "Թագաւորական աշխարհագէտ" Նիկոլաս Սանսոնը (1600-67)³⁶: Քարտեզում

³³ 401ի գարնանը, դուրս գալով Սարդէսից, Լիկիայի, Փոնդիայի եւ Կապադովկիայի սատրապ Կիւրոս Կրտսերը, մեծաթիւ զօրքով, արշաւանք սկսեց ընդդէմ հարազատ եղբոր, պարսից արքայ Արտաքսերքսէս Բ. Մեծնոյ (404-358): Անցնելով Փոքր Ասիան՝ արշաւող բանակը, որի կազմում էր յոյն վարձկանների մի ջոկատ, Կիլիկիայի ու Ատրիքի վրայով մուտք գործեց Միջագետք եւ Եփրատի ձախ ափով ուղղուեց հարաւ: Չհասած Բաբելոն քաղաքին՝ Կունաքսայի մօտ տեղի ունեցաւ վճռական ճակատամարտը, որի ելքն աղէտաբեր եղաւ Կիւրոսի համար: Նա սպանուեց, իսկ բանակը քայքայուեց, ցաքուցրիւ եղաւ: (Կիւրոսի արշաւանքի մասին մանրամասն տե՛ս՝ Քսենոփոն, *Անաքսասիս*, թարգմ.՝ Ա. Կրկեաշարեան, Հայկական ՍՍՀ ԳԱ հրատ., Երեւան, 1970, էջ 10, 88, 223, 226-227, 259 (ծանօթ. 7):

³⁴ Քսենոփոն, էջ 88, 226. նաեւ՝ *Հայ ժողովրդի պատմութիւն, հյր. 1*, էջ 27:

³⁵ Կիւրոս Կրտսերին ծովով օգնութեան էին գնում 25 նաւ Եփեսոսից եւ 35 նաւ՝ Պելոպոնէսից (*Հայաստանի ազգային պաշտպանութիւն, հարց. Բ*, Գէոգեգրիայի եւ քարտեզագրութեան կենտրոն, ՊՈԱԿ, Երեւան, 2008, էջ 19՝ «Կիւրոս Կրտսերի վարձկան տաս հազար յոյների արշաւանքի եւ Հայաստանով նահանջի երթուղին» քարտեզը:

³⁶ Գալչեան, էջ 26, 174-75. նաեւ նոյնի վերահրատարակութիւնը՝ էջ 27, 172-73:

պատկերում է Կոստանդնուպոլսի պատրիարքութեանը պատկանող երկրների վարչական բաժանումը: Պատրիարքութիւնն ընդգրկում է ամբողջ Փոքր Ասիան (բացառութեամբ Կիլիկիայի, որի տարածքն ընդգրկուած է Անտիոքի պատրիարքութեան կազմում), Բալկանեան թերակղզու մի մասը (Թրակիան) եւ Լազիկէն (Մեծ Հայքի հիւսիսում): Արեւելքում քարտէզի ընդգրկման տարածքները հասնում են մինչեւ Հայաստան (Մեծ Հայք), սակայն այստեղ, ինչպէս նաեւ Հայաստանից հիւսիս տեղանունները նշուած չեն: Մեծ Հայքում նշուած են Սեան, Վան եւ Ուրմիա լճերը եւ Տաւրոսեան լեռնաշղթան, որից հարաւ նշուած է Անտիոքի պատրիարքութիւնը (տեղանունները նշուած չեն):

Փոքր Ասիայի հիւսիսում (Եփսիսեան Պոնտոսի - Սեւ ծով - հարաւում) նշուած են կայսրութեան կազմի մէջ մտնող երկրամասերը՝ Պողեմոնական Պոնտոսը (Pontus Polemoniacus), Հելենոյ Պոնտոսը³⁷ (Heleno Pontvs)՝ Ամասիա (Amasia) կենտրոնով, Պափլագոնիան (Paphlagonia), Հոնորիական (Honorias)³⁸, Բիթանիան (Bithynia): Պողեմոնական Պոնտոսից հարաւ նշուած է Փոքր Հայքը՝ բաժանուած երկու մասի՝ Ա. Հայք (Armenia Prima) եւ Բ. Հայք (Armenia Secunda): Ինչպէս տեսնում ենք, քարտէզում արտացոլուած է Գ.-Դ. դդ. Փոքր Ասիայում գոյութիւն ունեցող վարչական բաժանումը³⁹:

Համար 116 (Asia Minor), 118 (Carte de l'Asie Mineure Ancienne), 122 (ASIE MINEURE) քարտէզներում Փոքր Ասիայի երկրները պատկերուած եւ սահմանագծուած են որպէս ինքնուրոյն վարչական միատորներ: Այս քարտէզներում նոյնպէս ընդգրկման տարածքներն արեւելքում հասնում են մինչեւ Մեծ Հայք:

Համար 122ում Փոքր Հայք անունը նշուած չէ. վերջինիս տարածքը զբաղեցնում են Պոնտոսը եւ Կապադովկիան: Փոխարէնը մանրամասն նշուած են Մեծ Հայքի տեղանունները:

³⁷ Այս երկրամասը նախապէս կոչուած էր Դիոսպոնտոս (Diospontus), Հելենոպոնտոս (Helenopontus) է վերանուանուել Կոստանդին Մեծի (306-37) օրօք՝ ի պատիւ նրա մօր՝ Հելինէի (Ն. Ադոնց, *Հայաստանը Յուստինիանոսի դարաշրջանում*, Հայաստան հրատ., Երեւան, 1987, էջ 101-02):

³⁸ Հոնորիական կազմուել է Թէոդոս Ա. Մեծ կայսեր օրօք (379-95), գլխաւորապէս Արեւելեան Բիթանիայի հողերից՝ ի պատիւ նրա որդու՝ Հոնորիոսի՝ 384ին (Ադոնց, էջ 102):

³⁹ 297ին, Հռոմէական Կայսրութիւնը բաժանուեց 12 դիոցէզների (վարչական միատորներ), որոնցից երկուսը՝ Oriens եւ Pontica, կազմուած էին ասիական ծայրագոյն տիրոյթներից: Համաձայն Դիոկղետիանոս կայսեր (284-305) նահանգային բարենորոգման (297 թ.) վերը թուարկուած երկրամասերը մտնում էին Հռոմէական Կայսրութեան Pontica դիոցէզի մէջ: Փոքր Ասիայի վարչական բաժանումների մասին մանրամասն տե՛ս՝ Ադոնց, էջ 81-106:

Համար 118 քարտեզում Փոքր Հայքը (Armenia Minore) նշում է, սակայն ոչ որպես առանձին վարչատարածքային միավոր, այլ գտնվում է Կապադովկիայի կազմում: Սա ցույց է տալիս, որ հեղինակը (Մ. Լափի, ֆրանսացի գնդապետ), 1831ին քարտեզը կազմելիս, ի թիւս այլ աղբիւրների, օգտուել է նաեւ Պտղոմէոսի *Աշխարհագրութիւնից*՝ մասնաւորապէս՝ Պտղոմէոսի «Ասիայի III Աղիւսակ» քարտեզից⁴⁰:

ԺԹ. ԴԱՐԻ ՌԱԶՄԱՔԱՂԱՔԱԿԱՆ ԻՐԱԴԱՐՁՈՒԹԻՒՆՆԵՐ ՊԱՏԿԵՐՈՂ ՔԱՐՏԷԶՆԵՐ

Յաջորդ խումբը կազմում են այն քարտեզները, որոնցում արտացոլւում են Հայաստանում ԺԹ. դարում պատահած աշխարհաքաղաքական իրադարձութիւններ:

Համար 123ում (Turquie d'Asie et les Provinces du Caucase) պատկերւում է Հայաստանում 1826-28ի ռուս-պարսկական երկրորդ 1828-29ի ռուս-թուրքական պատերազմներից յետոյ գոյութիւն ունեցող վարչական բաժանումը: Ուշագրաւ է, որ այս քարտեզում Էրզրումի վիլայէթը⁴¹ նշում է Armenie, իսկ Հայկական մարզը նշում է Armenie Russe անունով⁴²: Կարսը նշում է Օսմանեան Կայսրութեան կազմում⁴³ (նկար 7):

⁴⁰ Պտղոմէոսի ժամանակ Փոքր Հայքը վարչականօրէն գտնւում էր Կապադովկիայի կազմում (Երեմեան, էջ 15, ծանօթ. 2):

⁴¹ Ըստ 1555 Մայիսի 29ին Ամասիայում կնքուած թուրք-պարսկական հաշտութեան պայմանագրի՝ Հայաստանը բաժանուեց Օսմանեան Թուրքիայի եւ Իրանի միջեւ: Թուրքիային անցան Արեւմտեան Հայաստանի գաւառները, իսկ Իրանին՝ Արեւելեան Հայաստանն ու Վրաստանի մեծ մասը, ինչպէս նաեւ՝ Անդրկովկասի արեւելեան շրջանները (այժմեան Ադրբեջանի տարածքը): Արեւմտեան Հայաստանում կազմաւորուեցին Էրզրումի (Կարինի), Վանի, Կարսի, Ախալցխայի, Սեբաստիայի, Տիարպեքիի, աւելի ուշ նաեւ՝ Խարբերդի, Պիթլիսի (Բաղէշի), Տրապիզոնի էյալէթները, որոնք յետագայում վերանուանուեցին վիլայէթներ: Դրանցից ամենամեծն Էրզրումի (Կարին) վիլայէթն էր, որի փաշան օժտուած էր սերաքիարի (փոխարքայի) իրաւունքներով: Պատահական չէ, որ այս շրջանի պատմական բազմաթիւ քարտեզներում Էրզրումի նահանգը (էյալէթը) նոյնացում էր ամբողջ Հայաստանի՝ Արմենիայի հետ (մանրամասն տե՛ս՝ Ա. Մելքոնեան, *Էրզրում, (պարմաժողովրդագրական ուսումնասիրութիւն)*, Հայաստան ԳԱԱ հրատ., Երեւան, 1994, էջ 28-29):

⁴² 1828 Փետրուարի 10ին (22ին) կնքուած Թուրքմենչայի պայմանագրով ռուս-պարսկական պետական սահմանագիծը հարատւ հասցուեց մինչեւ Արաքս գետը: Պարսկաստանը պաշտօնապէս ճանաչեց Երեւանի ու Նախիջեւանի խանութիւնների եւ Օրդուբադի գաւառի միացումը Ռուսաստանին (*Հայ ժողովրդի պարմութիւն, հայորդ V*, Հայկական ՍՍՀ ԳԱ հրատ., Երեւան, 1974, էջ 170): 1828 Մարտի 20ին Նիկոլայ Ա.ը, Թուրքմենչայի պայմանագիրը վաւերացնելուց անմիջապէս յետոյ ստորագրած հրամանագրով ահտատում էր. «Համաձայն Պարսկաստանի հետ կնքուած պայմանագրի, հրամայում եմ՝ Պարսկաստանից

Համար 129՝ (The Turkish Empire) քարտեզը պատկերում է Ղրիմի պատերազմի գլխավոր թատերաբեմերը: Այնտեղ նշուած են Մոլտովան, Վալախիան, Բեսարաբիան, Սուրբ Նիկողայի ամրոցը, Ղրիմի կարեւոր ռազմական խարխիս Սեւաստոպոլը, Պախչիսարայը, Սիմֆերոպոլը: Հոծ գծով նշուած է ռուսական զօրքերի տեղաշարժի ուղին՝ Russian Military Road: Կովկասեան ճակատում նշուած են Կարսը, Ախալցխան, Արտահանը⁴⁴:

Համար 128ում (The Seat of War in Asia) պատկերուած է Ղրիմի պատերազմի կովկասեան ռազմաճակատը: Մանրամասն նշուած են տեղանունները՝ Կարսը, Ախալքալաքը, Երեւանը, Ախալցխան, Ալեքսանդրապոլը, Թիֆլիսը, Պաթումը, Օզուրգեթին:

Քարտեզի ներքեւում պատկերուած է Կարսը՝ յարակից տարածքներով: Կարեւոր կէտերից նշուած են Կարսը եւ Օլթին:

Քարտեզը բնօրինակ-էջ է *The Illustrated London News* շաբաթաթերթի 1877 Մայիսի 12ին լոյս տեսած 453րդ համարից:

Համար 125ում՝ Russia (South part), Կարսը նշուած է Ռուսական Կայսրութեան կազմում⁴⁵:

Ռուսաստանին միացուած Երեւանի եւ Նախիջեւանի խանութիւններն այսուհետ բոլոր գործերում անուանել Հայկական մարզ եւ այն ներմուծել մեր տիտղոսի մէջ»։ Հայկական մարզը բաժանուում էր Երեւանի ու Նախիջեւանի գաւառների ու Օրդուբադի օկրուգի (*Հայ ժողովրդի պայքարն, հայրոր V, էջ 204-5*):

⁴³ 1828-29՝ ռուս-թուրքական պատերազմի աւարտից յետոյ (1829 Սեպտեմբերի 2ին (14) կնքուեց Ադրիանապոլսի հաշտութեան պայմանագիրը Թուրքիային վերադարձուեցին Էրզրումը, Արտահանը, Պայազէտը, Ալաշկերտը, Կարսը եւ Արեւմտեան Հայաստանի միւս շրջանները, որոնք նախապէս գրաւուել էին Կովկասեան զօրաբանակի կողմից (*Հայ ժողովրդի պայքարն, հայրոր V, էջ 189-90*):

⁴⁴ 1853ին սկսում է Ղրիմի պատերազմը՝ Ռուսաստանի եւ Թուրքիայի միջեւ: Պատերազմում Ռուսաստանը ձգտում էր գրաւել Արեւմտեան Հայաստանը, Վոսփորի եւ Տարտանէլի նեղուցները, Պալքանները, իսկ Թուրքիան՝ Կովկասը: 1855ի ամռանը ռուսական բանակին յաջողուեց գրաւել Պայազէտը, իսկ Նոյեմբերին՝ ռազմավարական կարեւոր նշանակութիւն ունեցող Կարսը: 1856 Մարտի 30ին Փարիզում կնքուած հաշտութեան պայմանագրով Արեւմտեան Հայաստանում գրաւուած բոլոր շրջանները (այդ թւում Կարսը) վերադարձուեցին Թուրքիային: Փոխադարձաբար Ռուսաստանը վերադարձրեց Ղրիմում կորցրած հողերը (*Հայ ժողովրդի պայքարն, հայրոր V, էջ 248-250*):

⁴⁵ 1877-78՝ ռուս-թուրքական պատերազմի ռուսական խոշոր յաղթանակներից մէկը Կարսի գրաւումն էր եւ նրա միացումը Հայաստանին: Սան-Ստեֆանոյի (1878 Փետրուարի 19) եւ Պերլինի պայմանագրերով Կարսը, Արտահանը եւ Պաթումը միացուեցին Ռուսաստանին: (1877-78ի ռուս-թուրքական պատերազմների մասին մանրամասն տե՛ս՝ *Հայ ժողովրդի պայքարն, հայրոր V, էջ 176-92, 243-53*):

ԱՍՏՈՒԱԾԱՇՆՉԵԱՆ ՔԱՐՏԷԶՆԵՐ

Հաւաքածուում ներառուած քսանեօթ քարտէզներից չորսը (106, 110, 114, 115) պատկանում են աստուածաշնչեան քարտէզների (վանական)⁴⁶ տիպին: Դրանցում պատկերուած են աստուածաշնչեան երկրներն ու վայրերը, նշուած են դրանց մասին այս կամ այն չափով տեղեկութիւններ:

Համար 106ի (Lvmen Historiarvm՝ Արեւելքի պատմութիւն) ընդգրկման տարածքներն են հիւսիսում՝ Սկիւթիա, Սարմատիա եւ Թաթարստան, հարաւում՝ Բաբելոն, Արաբիա, արեւելքում՝ Մեդիա, Պարսկաստան, արեւմուտքում՝ Փոքր Ասիա:

Փոքր Ասիայում նշուած են տեղանունները, այդ թւում՝ Փոքր Հայքը, սակայն վարչական միաւորները սահմանագծուած չեն:

Քարտէզում կան անճշտութիւններ, մասնաւորապէս՝ Մեծ Հայքը պատկերուած է իր պատմա-աշխարհագրական տարածքից զգալիօրէն հարաւ, Արաքս գետը չի միանում Կուրին, այլ ուղղակի թափում է Կասպից ծով: Այս ամէնով հանդերձ՝ քարտէզը մեծ կարեւորութիւն է ներկայացնում, քանի որ այստեղ նշուած են Մեծ եւ Փոքր Հայքերը՝ եւ ընդգրկում են իրենց պատմա-աշխարհագրական տարածքները գրեթէ ամբողջութեամբ:

Համար 110ը (Mesopotamia with Canaan & other parts of the East, Adapted to the Histories of Abraham, Isaac & Jacob) անգլերէն է: Քարտէզի հիւսիսում, գրեթէ իր պատմական տարածքի վրայ, նշուած է Հայաստանը (Armenia), նշուած են Կուր (Kur or Cyrus R.) եւ Արաքս (Araxes R.) գետերը եւ Մասիսը (M. Ararat):

Առանձնայատուկ հետաքրքրութիւն են ներկայացնում համար 114 (Carte du Paradis Terrestre, du Mont Ararat et de la Ville de Babel) եւ 115 (Carte Pays ou probablement a été le Paradis terrestre, la plaine de Scinhar et la Montagne sur laquelle l'Arche s'est arrêté suivant celte Histoire) քարտէզները: Ի տարբերութիւն համար 110ի, այս քարտէզներում նշուած են Հայաստանի մայրաքաղաք Երեւանը (Erivan), Նախիջեւանը (Nakhchavan՝ համար 114ում եւ Nakhshivan 115ում) եւ Էջմիածինը. ընդ որում, Էջմիածինը նշուած է հետեւեալ կերպ՝ «Ejmiadzin ou les 3 Eglises» (նկար 8): Այս երեւոյթը բացատրում է նրանով, որ ԺԵ. դարից սկսած, երբ Արեւմտեան Եւրոպան սկսեց զբաղուել քարտէզագրութեամբ եւ սկսուեց քարտէզների տպագրութեան գործը, Արեւելքի երկրներից ամէնից մեծ ուշադրութեան թերեւս արժանանում է, Պաղեստինից եւ Ասորիքից յետոյ, Հայաստանը, որը միջնադարեան Եւրոպայի եկեղեցական միջավայրում դիտւում էր այն երկիրը, որտեղ գտնուել է դրախտը⁴⁷: ԺԵ.-ԺԶ. դդ. Եւրոպայում տպագ-

⁴⁶ Գալչեան, էջ 20-21. նաեւ նոյնի վերահրատարակութիւնը՝ էջ 22-23:

⁴⁷ Երեմեան, էջ 18. նաեւ՝ Մալխասեան, էջ 37-38. նաեւ՝ Ա. Դումիկեան, «Հայաստանի պատմահոգեւոր ընկալումը XVII-XIX դարերի ֆրանսիացի հետազօտողնե-

րուել են Հայաստանն ընդգրկող քարտեզներ, սովորաբար Պտղոմէոսի քարտեզի հիմքի վրայ, որտեղ դրախտը գտնուում է Հայաստանում⁴⁸:

Աշխատանքն իմի բերելուց առաջ անդրադառնանք քարտեզների եւս մէկ խմբի, որոնք սոյն ուսումնասիրութեան առարկայ հանդիսացող հաւաքածուում ներկայացուած են երկու օրինակով:

Ալլէն Մալլէտի (1630-1706) «Տիեզերքի բացատրութիւնը» հինգհատուրանի գրքի ֆրանսերէն օրինակը տպագրուել է 1683ին, իսկ գերմաներէն թարգմանութիւնը՝ 1719ին: Վրաստան-Հայաստան (Georgie-Arménie) քարտեզը ֆրանսերէն օրինակում կրկնուած է երկու անգամ՝ XC համարով՝ 211րդ էջում եւ XCI համարով՝ 213րդ էջում, իսկ գերմաներէն թարգմանութեան մէջ՝ XC եւ XCI միացեալ համարով: Քարտեզում նշուած են Ռուսաստանի հարաւային մասը, Վրաստանը եւ Հայաստանը (նշուած են նաեւ պարսկերէն՝ Gvrgistan անունով, եւ Arménie Tvrcomanie), որի կարեւոր քաղաքներից նշուած են Կարսը (Kars), Էրզրումը (Erzerum) եւ Երեւանը (Eriuan)⁴⁹:

Զուգահեռ դիտարկումը թոյլ է տալիս ասելու, որ ՀԱԹի հաւաքածուի համար 108 եւ 109 քարտեզները նոյնպէս էջեր (կամ վերատպութիւններ) են Մալլէտի վերոյիշեալ գրքից: Մասնաւորապէս՝ համար 108 քարտեզը (նկար 9) ճշգրիտ կրկնութիւնն է նրա գրքի XCI քարտեզի (էջ 213):

Ի հաստատումն ասուածի նշենք, որ հաւաքածուում 8332/51 համարի տակ գրանցուած փորագրանկարում պատկերուած է Երեւանը (Erivan)՝ Արարատի յենքին: Պատկերի վերելում ֆրանսերէնով գրուած է՝ «De L'Asie», որից ներքեւ՝ «Figure XCII.», իսկ վերեւի ձախ անկիւնում՝ գրքի էջը՝ 215⁵⁰ (նկար 10):

Համար 109 քարտեզը (Cvrdistan-Diarbeck) նոյնպէս սեւ-սպիտակ է եւ ունի նոյն չափերն ու քարտեզագրման նոյն մօտեցումները, որոնք բնորոշ են քարտեզ 108ին: Համար 109ի ընդգրկման տարածքները հիւսիսում հասնում են մինչեւ Վրաստան, հարաւում՝ Պարսից ծոց: Ինչպէս եւ համար 108ում, այստեղ նոյնպէս Հայաստանը նշուած է նաեւ «Թուրքոմանիա» անուամբ: Ընդ որում՝ քարտեզի ներքեւում՝ զարդարուն տուփիկի մէջ, որպէս տպագրման թուական նշուած է 1682ը (նկար 11)⁵¹:

Այսպիսով՝ կարող ենք եզրակացնել, որ.-

Ա) Հայոց ազգագրութեան թանգարանի քարտեզների հաւաքածուն տպագրուած է ԺԷ.-ԺԹ. դարերում, սակայն դրանց մեծ մասը վերատպութիւն է աւելի հին քարտեզներից՝ հիմնականում Պտղոմէոսի քարտեզների

րի քարտեզներում», *Հայաստանի հանրապետութեան եւ մերձաւոր արտասահմանի*, էջ 44-52:

⁴⁸ Գալշեան, էջ 217-18. նաեւ նոյնի վերահրատարակութիւնը՝ էջ 215-16:

⁴⁹ Նոյն, էջ 183. նաեւ նոյնի վերահրատարակութիւնը՝ էջ 181:

⁵⁰ Տե՛ս՝ ծանօթ. 49:

⁵¹ Տե՛ս՝ ծանօթ. 49:

(կամ դրանց վերատպութիւնների) հիմքի վրայ: Մեծ Հայքը եւ յարակից երկրամասերը պատկերող քարտէզները (համար 111, 112, 117, 120, 126 եւ 127) տպագրուած են ԺԹ. դարի քարտէզագրական չափանիշերով. քարտէզների աշխարհագրական յենքը արհեստագիտականօրէն առաւել ճշգրիտ է. ճիշտ են ներկայացուած լեռնագրութիւնն ու ջրագրութիւնը՝ լեռներն ու լեռնաշղթաները ստուերարկուած են, լեռնագագաթները՝ նշուած, գետային ցանցը ճիշտ է պատկերուած, ճիշտ են տրուած Վան, Ուրմիա եւ Սեան լճերի ավազծերը են.), սակայն աշխարհագրական ընդգրկումը, վարչական բաժանումն ու տեղանունները տրուած են ըստ Պտղոմէոսի:

Բ) Փոքր Ասիան եւ յարակից տարածքները պատկերող քարտէզները հինգը (105, 106, 107, 119, 121), ինչպէս նաեւ Հայաստանը եւ յարակից տարածքները պատկերող քարտէզներից երկուսը (108, 109) տպագրուած են ԺԵ.-ԺԶ. դարերում (կամ վերատպութիւններ են դրանցից) եւ բնականաբար՝ կազմուած են տուեալ ժամանակաշրջանի քարտէզագրական ոճով: Մասնատրապէս՝ այս ժամանակաշրջանի քարտէզներին բնորոշ են վառ գոյները, ճոխ ու զարդարուն տուփիկը⁵²:

Այս շրջանի քարտէզներում գետերը պատկերուած են երկուական թաւ գծերով եւ աւելորդ ալիքաւորումներով, լճերի ավազծերը շատ դէպքերում չեն համապատասխանում իրականին, լեռներն ու լեռնաշղթաներն ունեն իւրայատուկ ձեւաւորում՝ նման են ձեռքով նկարուած բլրակների ու բլրաշարքերի, իսկ երկրների սահմաններն ունեն խախտումներ: Սա բացատրուում է նրանով, որ վերածննդի դարաշրջանում, երբ սկսեցին տպագրուել քարտէզներ, դրանց հեղինակները հիմնականում օգտուում էին հին շրջանի քարտէզներից:

Գ) Համար 108, 109 128 քարտէզները բնօրինակներ են եւ այս տեսանկիւնից մեծ արժէք են ներկայացնում⁵³:

Դ) Գլխաւորը՝ քարտէզները հանդիսանում են ժամանակի լաւագոյն գործեր (կամ դրանց վերատպութիւններ) եւ ներկայացնում են պատմա-աշխարհագրական կարեւոր սկզբնաղբիւրներ՝ տուեալ տարածաշրջանի մասին եւ որոշակի ժամանակաշրջանում, առաւել եւս, որ արտացոլում են պատմական Մեծ եւ Փոքր հայքերի հետ կապուած պատմա-քաղաքական տարբեր, սակայն միաժամանակ տրամաբանօրէն իրար փոխլրացնող իրադարձութիւններ, որոնք լուսաբանուած են օտարերկրեայ հեղինակների կողմից:

⁵² Գալեան, էջ 24. նաեւ նոյնի վերահրատարակութիւնը՝ էջ 25:

⁵³ Լրացուցիչ հետազօտութիւնների ու վերլուծութիւնների արդիւնքում դրանց թիւը կարող է աւելանալ:



Նկար 1. Armenia, Colchis, Iberia, Albania & c.




Նկար 2. Byzantinisches Reich, östliches blatt՝ Բիզանդական Կայսրություն, արևելեան թուղթ




Նկար 3. Albania, Iberia, Colchis, Armenia, Mesopotamia, Babylonia, Assyria



Նկար 4. Հայաստանը՝ բաժանում չորս մասի՝ Յուստինիանոսի օրոք




Նկար 5. Tabvla Asia V եւ Նկար 6. Regiones intra Mare Hyrcanum, Oxum Fl. Indicum Pelagus et Sin. Persicum Sit



Նկար 8. Carte Pays où probablement a été le Paradis terrestre, la plaine de Scinhar et la Montagne sur laquelle l'Arche s'est arrêté suivant celte Histoire



Նկար 7. Turquie d'Asie et les Provinces du Caucase



Նկարներ 9, 10 եւ 11

THE MAP COLLECTION OF THE ARMENIAN ETHNOGRAPHIC MUSEUM (SUMMARY)

ARTAK ASATRYAN (sardarapatasatryan@gmail.com)

The article provides a brief overview of the maps donated by Hagop Djelalian and preserved in the Armenian Ethnographic Museum located in Sardarapat, Republic of Armenia. The paper sheds light on 27 maps which are directly or indirectly related to Armenia and its history. These maps were published in Europe (France, Britain, the Netherlands) between the 17th and 19th centuries.

The author categorizes these maps into four groups, namely those pertaining to a) Armenia Major (Mets Hayk) and its contiguous areas, b) Asia Minor and its contiguous areas, c) the military wars (particularly the Russo-Persian and Russo-Ottoman wars) and political developments of the 19th century, and d) biblical maps.

The author comments on the peculiarities of each map in terms of the borders of Armenia, the locations of mountains and the courses of its rivers.